

雪

門

詩

草

雪門詩草卷十

上元初集

善化許瑤光雪門甫著

丁卯年

擬古樂府

西門行六解

出○西○門○見○落○暉○清○風○散○浮○雲○暮○是○而○朝○非○一解人○生○貴○立
 志○立○志○當○及○時○宿○鳥○投○林○急○何○能○徘徊○叢○莽○待○來○茲○二解
 仰○高○山○俯○碧○流○請○携○二○三○子○可○用○散○吾○憂○三解江○樹○紉○餘
 霞○江○鷗○漾○水○花○暮○遊○亦○云○樂○何○必○遽○還○家○四解不○用○魯○陽

迴金戈娟娟初月續嫦娥把酒對月聊放歌五歌詞上
 訊盤古皇開闢天地皇主張請銷劍戟勤農桑十二萬
 年長永康六解

東門行四解

出東門見朝霞休恃日色早浮雲易蔽遮更防風雨多
 橫斜一倚劍登高臺良朋阻勿來他人但願金碧多崔
 嵬而我止欲平地藉蒼苔二藉蒼苔上有古木之繁陰
 下有清流之碧潄清和天氣隨處好君宜自愛莫高心
三君宜自愛莫高心望君薰風聊鼓琴蒼梧綠竹之中

有知音四解

有所思

有所思。乃在軒皇之上。媧媧之前。戈矛刀劍。尚未鑄。鰲石不補。乾坤全。穴居者龍蛇。可侶。野處者鹿豕。與緣。肝肝浩浩。完其天。兄弟乃各數萬年。胡爲乎。弧矢作而鳥亂於霄漢。網罟結而魚亂於淵泉。銅山鐵山相熬煎。地脈鑿傷。兵革連機。心日以深。妒心日以起。太白西輝。流火駛。硝磺之烈。甚金矢。誰爲戎首。燧人氏。乃知離象甲。胄蓋取此。

有所思乃在弱水之外蓬萊宮。神仙獲福何從容。長年
飽啖蟠桃紅。不理上元之樞紐。不司下界之雨風。但乘
白虎駕蒼龍。往來紫宇參長虹。借問有何長技藝。擊八
璈。兮。吹鳳笛。黃姚格四表。白環進以獻。忠周穆御八駿。
瑤池宴以曲。從不將君諫。將君逢媚茲。更比凡人工。滄
桑換小劫。避居東海東。無心理亂講。飛冲黃金點。得妙
手。空吸盡。日月光華濃。更飲石髓名。山窮乃知神仙本。
是彼蒼游蕩子。嗜好乖僻情。性慵咄哉留侯一英雄。胡
何晚年辟穀效赤松。

牆上難爲趨行

寸草難爲芻。尺布難爲襦。藍縷無寶玦。荆釵無明珠。偏
仄復偏仄。牆上難爲趨。豪華饗上賓。階除傾餘珍。貧士
少顏色。客至烹寸鱗。重臣配山岳。雲雷生掌握。下僚澗
底松。鬱鬱徒自覺。山徑何崟崟。曲巷何狹斜。駿馬逞不
得。不如騎蹇駟。

煌煌京洛行五解

削竹爲刀塗以黃金。非不光耀刺人不深。一解平臺盛賓。
西園多士。鄒馬文章。神游于祀。訪以韜鈴。不對而起。二解

燕齊等列契稷同驅東西二京十家有餘華池豐屋風
 流相扶伏波未畫今古躊躇三解安車駟馬後堂絲竹縮
 縮佞臣無救國蹙仗馬何靜神羊何伏依樣胡盧聖躬
 萬福四解亦有貔虎可作干城歌臺舞榭久倚承平操弓
 射雉駐馬聽鶯邊陲息警那用神驚五解

門有車馬客行

門有車馬客來自故鄉里斟酒訊舊交半隨朝露委去
 者已陳人存者成窮士當時華屋居今日華門裏宇宙
 征戰多兜鍪致青紫鬪雞走馬兒橫壓讀書子世路有

翻覆文武相終始。寄書慰故人。且莫棄經史。

白頭吟

淋漓雨中花。飄瞥風前絮。世間美人不白頭。天上春光應不去。昨夜團團月。今夜減容輝。嫦娥羞澀避海底。初更不敢出雲飛。願得有情人。纏綿終不違。開我玉缸酒。舉我翠羅幃。照我菱花鏡。願我流黃機。妾願下機爲君醉。娟娟紅顏鏡裏歸。

君馬黃

君馬黃。我馬白。君馬紫。韁出天閑。我馬連乾來澤國。相

逢○俱○在○長○安○陌○長○安○城○中○多○酒○家○君○馬○驕○嘶○踏○落○花○我○
馬○背○有○金○創○痂○十○年○戰○陣○爛○風○沙○旁○人○不○問○馳○驅○事○但○
將○兩○馬○顏○色○誇○揮○鞭○不○與○語○去○走○吳○天○雨○舊○壘○壕○邊○青○
草○多○寶○刀○鈴○匝○健○兒○駝○更○騎○繞○海○看○山○河○

今日樂相樂

花○外○東○風○作○今○日○樂○相○樂○傾○山○羅○陸○珍○倒○海○搜○水○錯○不○
喚○自○然○前○佳○人○琴○繡○薄○銀○燈○送○醉○歸○還○訂○來○朝○約○

三婦艷

大○婦○諳○調○羹○中○婦○嫻○刺○繡○小○婦○學○吟○哦○看○花○永○清○晝○玉○

貌○日○亭○亭○端○底○爲○詩○瘦○
大○婦○倚○姑○愛○中○婦○自○嬌○態○
小○婦○儒○家○子○禮○儀○爛○進○退○
卸○雙○鳳○釵○自○摘○幽○蘭○戴○

估客詞

徽○估○販○茶○往○浙○估○載○絲○來○
小○婦○向○客○笑○淞○江○海○市○開○
船○載○泰○州○鹽○人○在○揚○州○住○
隋○隄○楊○柳○多○烏○栖○夜○何○樹○
客○來○潮○正○落○姊○妹○勸○客○酌○
住○船○如○住○家○惟○有○錢○塘○樂○
問○客○何○處○來○來○自○五○羊○城○
手○解○伽○南○串○殷○勤○贈○有○情○

前溪歌

門前天桃樹花發門前渡東風爲阿誰吹花過溪去
蓮花嬌且紅欲摘阻水中語歡搖舟來雙槳且從容
儂踏前溪露歡待前溪月月出覩歡腰尚繫儂贈帕
約歡前溪去雙雙溪合流中有金鯉魚與歡同下鉤

阿子歌

阿子復阿子生來好容顏不攀山上桂長住藕花灣
南湖多菱角東湖多雞頭雙鳧隨處好何用將飢憂
家鴨眠菖蒲野鴨臥蒲葦醒啄灘邊蝦濡首不濡尾
白鷗與鷓鴣生小不相識各自尋伴飛各自銜魚食

君子行

君子防未然。謀老於少年。么鳳伏丹穴。穉龍蟄淵泉。文章備儀羽。霖雨任仔肩。悠悠閑歲月。夢寐長自鞭。奚止慕榮達。萬事完先天。一朝得假手。乾坤藉轉旋。

君子防未然。思亂在安全。朝堂鋤佞草。原野薶莠田。小人不可長。千古治術詮。優容固滋蔓。少縱亦遷延。白日威不耀。衆沫羅青天。清風掃不力。浮雲迷岳巔。盜智過君子。鬼蜮肩睫前。所以古傑士。腰間佩龍泉。

吳仲僊制軍度歲於嘉興作此

紅霞江閣放晴天。玉節停舟此度年。十載孤城淮水上。

兼圻重任海雲邊。天知廉吏酌庸厚。人道中興佐命

賢。謝令津門溫六合。他時青史共流傳。咸豐間公宰清河天下桐縣令

捍賊者以六合溫紹原天津謝子澄及公三人為最著

四月

南風四月壯。眾綠蕩波濤。海島白雲去。江天赤日高。孤
花時婉轉。雙燕自劬勞。蠶事喧應好。新絲處處綠。

寄贈申江王叔彝觀察時應官紹興

稽山鏡水畫圖開。標舉風騷仗逸才。知否春申舊時月。

尋君夜夜到蓬萊

黃金不借把詩搜。集選同人刻應求。湖海名流齊下拜。

英靈河嶽共千秋。君自刻怡安堂集更刻同輩詩顏曰應求

題遍蒼苔鶴定唳。吼山石壁見詩新。海潮退舍越人喜。

道挽狂瀾筆有神。君構亭榭於吼山題詩其上今年三江開通籌捐濟工與有力焉

十年前我宰三衢。君捍西江一旅驅。此日東南解鞍馬。

酒醒還拭寶刀無。咸豐六年廣信徽州告警君帶兵防常山

初秋游南湖時清暉堂落成

輕雲不作雨。城郭送新涼。一棹南湖去。清風菱芡香。詩

情飄翡翠秋夢醒鴛鴦遠岸煙光綠人家未剷桑
年豐民氣樂堂且築清暉碧月從新照紅霞依舊飛湖
山資潤色題詠藉芳菲莫問殘磚字滄桑有是非

刻梅花道人竹於清暉堂并系以詩

鴛鴦湖上釣鰲磯舊時翠竹含煙霏兵後何有有枯筍
孤負清風無處歸我藏梅花道人竹枝枝搖曳秋雲綠
刻石湖中龍夜吟碧波萬頃夏寒玉滄桑金石半銷沈
藉與邦人話前躅我聞道人劍術奇臨老卻題和尚碑
仙耶佛耶且莫辨筆墨自與乾坤垂魏塘墓前刻八竹

題詩字字騰蛟螭。究竟道人以竹重。至今重竹兼重詩。
人生那可無絕藝。丹青也定千秋計。我思古人貽後人。
他年應入禾中志。

賞菊

官閣勝山家。圍闌菊影斜。天開重九宴。人愛暮年花。東
海滋朝雨。南湖過晚霞。只憐雍州谷。尚冒戰場沙。
簾捲西風起。秋光好過春。繁華偏永壽。幽艷不迷人。弄
影蟲吟月。憐香蝶抱晨。持瓶霜裏灌。冷淡出精神。
朶朶向秋日。誰言性喜陰。栽培一年事。繫戀小春心。楚

國離騷富陶家雨露深五旬余髮白狂欲滿頭簪
葉瘦花非瘦茶香酒更香一囊仙藥飽半枕夢雲涼那
用多錢買居然遍地黃中華有霜傑種莫問東洋
艷放人爭賞未開誰見憐編籬遮俗客掃徑醉霜天小
女愛纖朶家僮汲冷泉櫻桃如結實平地已神仙
黃金色固重潔白更宜秋一洗羣花俗能消落木愁功
名思戰甲時序近輕裘休怨無同伴芙蓉翠滿樓

涼夜

風定雲自流飛飛萬里秋疏星與明月永夜傍高樓露

歷江城桂天圍海角丹但無別離感蟲語那關愁

八月

八月涼秋熱更乘天心應為桂花蒸浙人謂八月涼為桂花凍熱為桂花

蒸香來鷺嶺蒼毛栗杭人謂早栗為桂花栗熟到鴛湖沒角菱南

菱獨歸燕海村潮欲上殘蟬江樹月初升魚龍雖冷雲

霞艷獨倚高樓最上層

秋遣

門外黃葉落庭中黃花開天涯秋色遠海國故人來涼

意憐蟲抱新詩藉蟹催蕭閑娛白髮看月夜登臺

秋曉

殘○月○尚○未○落○收○光○讓○日○明○砦○然○東○海○上○無○限○曉○霞○生○郭○
樹○明○秋○色○江○船○趁○早○晴○寒○蘆○堆○路○碧○冉○冉○有○人○行○

卽事

捻○逆○青○州○擾○星○輶○繞○道○馳○秋○闈○無○幾○日○浙○士○候○多○時○鹿○
挺○餘○氛○急○鴻○飛○八○月○遲○長○淮○連○海○岱○風○攪○桂○花○期○
昨○夜○窺○天○象○歲○星○齊○魯○分○竄○邊○無○活○着○張○網○有○雄○軍○萬○
寵○黃○河○水○千○旗○羽○吠○雲○垂○成○仍○戒○慎○東○顧○ 廟謨殷

哭繼室朱淑人

深悔吟詩成。戲語果然秋。夢醒鴛鴦愁。雲結屋天無色。
碎雪飄燈夜更長。青鏡廿年鋒鏑半。黃堂四載髣毛霜。
九泉姊妹花如見。雙淚盈盈出閣將。

戊辰年

開簾

寒食東風暖。開簾見海棠。烟花娛客老。日夜入春長。曉
夢從鶯喚。詩情共蝶忙。閑齋無俗侶。金鴨伴昏黃。

春色

春色海雲黃。桃花帶夕陽。風前雙燕舞。霞外一鳶翔。天

地蒸和氣樓臺換艷妝韶華千萬象攬入詩囊

小園

小園春事艷客去更看花簾碧桃枝影泥紅芍藥芽蕭
閑酌造化浩蕩任天涯傲吏貪吟興清明早放衙

春寒

燕語庭逾靜花遲春更長怯風難卷幔辟濕自焚香天
抱冬心固城連海氣荒縱寒能幾日時已及蠶桑

花落

花落不須愁青陰庭苑流狂紅輪靜綠夏憇勝春游風

兩魚苗化兒孫。燕壘謀勸農。前日出白水。滿青曠。

山東餘掄正月經官軍盪平

捷報金陵已五年。中州餘孽尚幽燕。精兵北擁神京固。
健將東追表海旋。生縛渠魁乘雪夜。不留片甲洗春天。
金泥玉檢成功告。請樹豐碑泰岱巔。

今年

去年春色好。小女游花前。今年園花開。不肯看春妍。素
服傷母背。感我肝腸煎。我老那耐愁。鬚髮俱華宣。摘花
銅瓶供。破此寂寞緣。小婢不解事。重話主母賢。種花培

厚○土○澆○花○汲○清○泉○折○花○不○傷○幹○簪○花○及○時○鮮○花○好○人○何○
在○今○年○非○去○年○新○愁○觸○舊○恨○痴○語○倍○纏○綿○纏○綿○終○不○已○
孤○蝶○來○翩翩○

早起送客北郭遂遊南湖

侵○晨○送○客○客○已○去○扁○舟○遂○向○南○湖○渡○搖○蕩○晴○雲○海○上○來○
照○見○湖○中○鴛○鴦○住○湖○中○水○氣○共○雲○飛○青○入○濛○濛○楊○柳○樹○
僧○人○怪○我○平○旦○來○清○暉○堂○前○門○乍○開○那○知○太○守○抱○逸○興○
飄○然○身○被○春○風○催○非○訪○桃○花○非○問○李○曠○覽○自○足○娛○胸○懷○
天○邊○獨○樹○想○孤○直○沙○外○閒○鷗○忘○嫌○猜○乾○坤○俯○仰○饒○樂○境○

那判泉石與塵埃。我從南湖望城郭。樓臺靄靄春燕託。
比到城中憶南湖。煙波漠漠游魚躍。飛潛隨處化機通。
而我何容心強著。喜即出游倦即歸。春波門曉路人稀。
歸來齋閣更何事。金鴨焚香脫繡衣。

遣興

撫○琴○不○如○看○花○飲○酒○不○如○啜○茶○世○間○樂○事○閑○靜○好○底○用○
逐○逐○爭○諠○譁○不○招○自○至○東○海○月○不○染○自○艷○西○天○霞○竹○籬○
茅○舍○足○幽○適○歌○臺○舞○榭○多○歌○斜○一○洗○浮○華○見○真○性○浩○浩○
落○落○吾○生○涯○

朗月行

山居明月出山巔。海居明月出海底。不知明月果何出。
人生總就目前指。迎月人多送月稀。幾人看到五更時。
且喚嫦娥吹玉笛。殷勤爲我照瓊卮。

種芍藥

三年種芍藥。根傍牡丹臺。三見牡丹紫。不見芍藥開。客
言兩美不可并。名花宛轉懷妬胎。楊妃擅寵梅妃泣。蛾
眉自古多疑猜。欲乞東皇憐。恐奪東皇寵。草木無知若
有知。娟娟何況多情種。賓鴻將至雙燕歸。明月既出羣

星微蝴蝶過牆鶯避席東風搔首看花飛

示留春陸姬

杭州城中良家子十齡避兵浣溪水慈烏饑死雛鴉孤
宛轉黃堂供指使上元花甲兩浙平太守飲馬南湖清
奉帚掃花三月暮舉杯喚以留春名春庭明月隱江霧
小星轉照由拳樹問年庚戌重陽生時余試仕六橋步
子戈仕宦締良緣深深煙雨樓邊住不知歌舞但焚香
麗色延年誦江賦

周壽山方伯自閩繞滬至禾舟叙

四月二十七日

少師恪靖壯從戎。屢荐開藩福海東。今日敝舟兼布被。
高談朝政及邊功。憂時遠灑秦關淚。論戰還誇楚廣雄。
贈我一言揮手去。勉旃循吏古人風。

種桑詠

新春事少留河泥。輕舟載歸覆河堤。老桑待培新待種。
疎疎密密堤東西。春分芽黃穀雨綠。葉大如掌光如玉。
村姥青裙笑語來。海濱雨露年年足。勸人休種鳥銜桑。
紫葢纍纍惹鴈啄。鳥桑野桑也不葉先甚不
宜蠶而宜鳥故謂鳥桑

採桑詠

清明上巳俱晴天。今年蠶熟賽去年。採桑風暖黃花徑。
買葉價長青。銅錢葉貴蠶多繭。重疊小婦笑動梨花頰。
卻憐隣姥獨徘徊。園葉青青債戶來。不賣新絲賣新葉。
年年不及待春回。江浙貧民種桑者未葉先賣謂之拿青葉錢

剪桑詠

昨夜霜摧桑葉黃。家人剪桑條長。剪多枝頭作拳腫。
有似凍雀霜林竦。青皮擣紙葉飼羊。紫甚浸酒秋來香。
明年一抹青雲近。不須梯倚東家牆。

縑絲曲

嘉湖貢絲例八千餘斤六年奉減一半

陰陰綠樹籠村莊南風煮繭村路香
縲車軋軋碧窓裏
小姑簪勝雙眉喜笑指新絲銀縷長
宛轉金梭足羅綺
天家有詔減貢絲借問小姑知不知

又五年夷人構煨繭窳於嘉興之
餘賢球以鐵畏屋畏延燒也

青蠶三眠作繭鮮紅蠶四眠繭更圓
縲罷絲絲上機杼
為經為綸聽織女調停水火得中和
溫柔引出纏絲緒
卻訝西洋烘繭方鑲鐵裹屋銅作牆
以火熏蛹蛹蟄蟄
輪船載去千萬箱彼族毳服無文章
令人不解徒傍徨

菜花詠

江南菜花黃似海。春來千萬游蜂采。香送蜂歸釀蜜成。
家家打子南風晴。簌簌滴滴真珠聲。美人添燈迴光明。
蘭窓夜雨話三更。

竈戶詠

海濱刈蘆蘆葉乾。刮滷沙灘天風寒。石蓮試味知厚薄。
鐵盤銅鏹聲珊珊。沸湯之中撈白雪。千年煮海海不竭。
竈戶團丁半苦辛。萬引千綱富商掣。

燒香船詠

天竺香船之盛無過嘉湖連檣同行幾無虛日

鴛湖二月三月天。湖波續續來香船。高草黃旗表天竺。

士女兀坐如安禪。沈檀煙漲江雲紫。木魚聲蹙蛟龍眠。
東風送泊吳山驛。杭人呼作燒香客。一路西湖有送迎。
雷峯塔紅保叔碧。共向靈山乞佛慈。果誰甘露深承澤。
齋壇拜罷歸北關。拱辰橋下水潺潺。蠶桑大熟人壽考。
滿船都載福波還。

過朝鮮難夷作

白衣圓領髮覆額。乘槎東海遭風厄。飄流遇拯到中華。
中外昇平方一家。給衣給食給船載。遣使護送天之涯。
慎聽約束歸故國。宜感 皇家綬遠德。琉球又報難夷。

過東南海濶真難測難與過無虛日需索頗甚恐外國流氓有倚此作生涯者

初夏村景

桑翦重生葉家家養二蠶溪橋青艸漲村落綠陰涵野
葛藏蛇密香蒲睡鴨呷潘園梅雨過紫李味應甘

雨止

雨打萬芭蕉風颯似怒潮狂風吹忽散古樹綠橫搖虹
掛江城晚龍歸海霧消經綸有舒卷搔首對雲霄

題吳江許竹溪夢鷗圖

白鷗生長湖波中芙蓉花開閑睡濃不知睡穩有夢否

浩蕩應與蒼煙通。君態蕭閑與鷗似。詩思蒼茫落湖水。
青蘋飄蕩紅蓼搖。悵然渺渺無知己。忘機羗有水鳥同。
一枕游仙秋色裏。萬頃澄波天倒開。碧蘆深處煙盟喜。
醒來此身在高閣。滿地蒼苔鳴白鶴。重尋舊夢夢匪遙。
一笠湖雲青漠漠。出夢入夢身如仙。皤皤白髮八十年。
寫圖徵詩興不淺。題罷長歌驚醉眠。

題蓮塘睡鴨圖

蓮葉如青雲。南風吹不消。蓮花如片霞。倒水微紅搖。舒
鳧泛波來。葉護花相招。清涼無六月。世界香迢迢。好夢

誰驚覺澄潭金鱗跳

題郭曉樓鐵如意室圖

如意爲文信國物銘曰非竹非玉出自昆吾指揮三

軍張我令圖非或溢驕運志珊瑚郭君得此名其室

我聞信國松風琴流傳閩中何氏家又聞寶硯玉帶生
竹垞作歌紛葩葩因君更識鐵如意廿四銘言金篆斜
南渡河山悲蟋蟀冬青樹樹啼昏鴉匡山一洗天水碧
珠襦玉璽隨風沙惟有孤忠留手澤照耀西浙之雲霞
西浙收藏原富有商鬲漢銷爭不朽倦翁銅爵鏤精忠
兵火頻年今在否閣題天籟琳瑯儲至今人羨項尚書

此物云從項氏得寒光萬丈凌青虛乾坤正氣浩歌在
耿耿浮雲百疹除六百餘年吐光怪指揮白雁迴江湖
舞赤亭之煙散招錢江之潮趨興來洗滌古人憤明月
清風提玉壺當時橋亭尚有買卜硯何不搜訪歸吾廬
庶幾文事乃與武備俱

秀水令郭藕汀以惠泉見貽詩以謝之

秋風未泊惠山船道出毘陵憶廿年已憤青烽焚蟻賊
深慙團月負坡仙坤維有幸蘇靈脈官閣長清致醴泉
五月南湖過暑雨與君消夏證茶禪

題臧可園大令雙杖圖

曉天攜杖駕湖曲。籬花亞書聲續。晚來攜杖鳳皇洲。
嘉禾穗穗黃雲秋。私子懽呼白髮歎。課農課士皆賢侯。
我心生妬卻生羨。開圖况憶當年戰。扶劒裹痛甬江城。
收復會驅海外兵。一洗鏡湖明月朗。錢塘白馬卷濤聲。
飛芻挽粟軍儲急。借籌爾我同晨夕。十萬洋和番舶裝。
峩峩穩泊西興驛。湘中義士飽且歌。遂定西浙之山河。
從此東南武成告。我來亭下流虹導。君時攜杖亦來游。
倩我作歌暢吟嘯。歌裏雙龍天矯飛。釀成雨灑釣鼈磯。

扶危拯溺又三載坐見黎庶完瘡痍
依倚乃知雙杖力壽身壽世同銘
德一歌不已更題圖紅樹林邊挂秋色
閒讀穢經有所思苞桑磐石聖人辭
安治不忌危亂日繪圖之意悵誰知

題曹薺香采菊思親圖

深恩罔極借花酌花發花枯失白頭
花若有知應抱恨垂垂色變白雲秋

送鄒子香乞病歸里

八月南湖桂香風繞客舟孤帆向何處
雲碧楚江秋事

業看歸燕行藏問白鷗。湘山無限好，到日菊花稠。

有慨

從戎方叙爵，助餉又酬官。戰伐民生苦，艱危仕路寬。青雲騰草莽，明月問衣冠。試看天錢采，居然列宿蟠。

成廟乘乾日，捐途隘柏臺。勉從農部請，何碍豫工開。紹

聖文宗志初基，恩詔裁那知。丁粵變無計，挽瀾迴道

元年停捐旋以河務不得已復開豫工卯然三十年中無由捐途擢至臬司者咸豐觀政亦詔停捐卒以粵事棘而開

米銅中外異，銀鈔折交分。火器京營制，錢捐閩海文。滇

黔催協餉秦晉駐饑軍况復塘工急田廬保護勤
 舊捐多富室今漸為貧捐統袴圖生業寒儒冀俸錢豚
 蹄田父願蠲餌鈞師權操約懷奢望蒼蒼問彼天

有客秦中來

時劉水如廉訪由陝西糧道擢浙臬

有客秦中來因話秦中事不言回亂訶但言食粟貴前
 年斤麩價百錢今年價又加三倍米價更較麩價昂無
 人敢問稅與祿廬舍焚盡牛籽絕可憐萬里皆沙場西
 不必問青海北不必問甘涼褒斜子午時通塞三邊搖
 蕩無完疆不耕固坐斃耕亦資賊糧坐此軍饑力戰苦

坐此獸困擬走狂。豈無荆楚之糧。運西望潼關。道路長。
華岳蓮花日凋落。難對北斗挹酒漿。我思長安乃古帝。
之都。會雄圖。三輔誇無外。長城天府控。東南驃騎。擴兵
策邊。最五時。曾祠雞馬神。萬年應保金甌。泰胡爲乎弱。
水西流出雍州。木落山空鳥鼠秋。干戈正急。饑饉荐落
日。黃河曲曲愁。

阜林曉發

舟發雙橋天欲明。炮船鼓尚報三更。時平萬事關心少。
那止村醪誤老兵。

秋江晚泊

朝陽紅樹潤夕陽紅樹嬌秋江無限好孤棹泊長橋酒醒白虹起詩成碧落遙臨風一長嘯木葉下蕭蕭

二更

海月二更吐東隅星漸稀長河將北斂流火卻西暉幾輔烽全掃秦關戍未歸黃沙和白草涼馬夜依依

書事

去年樞密司文房火起赭痕侵宮牆今年灾告武英殿四庫燒殘千萬卷東南書籍已烽煙秘本幸留人未見

而此一厄難購求光翰奎壁真奇變上書修省宰相裁
聖人下詔停露臺浙中有談象緯者熒惑入垣昭天
灾小臣僻居東海側別有私心和揣測龜玉毀匱兕出
柙不問典守咎誰職君不見吏部胥吏欲舞文乘間夜
將檔冊焚戶部天庾何鄭重虧短米以十萬聞武英清
秘豈有外人至琳瑯恐肆攘竊羣蠹魚食字託仙去將
疑將信看浮雲禁城國社噪妖鳥胡不先將狐鼠熏

掃菊志感

栽花庭宇覺繁華○掃花庭宇亦清靜○繁華清靜各有時○

機蘊卷舒皆妙境。天無春而不秋。物無發而不收。寒雞
缺月苦夜永。昌黎何事多離憂。况復橙黃橘綠日。乾坤
肅穆人清邁。閉戶開牕溫舊籍。瓶有黃花香可斲。

題嘉善學博朱

寶慈

桃源圖

君家鏡湖接天台。仙人桃花雲中開。看花沿水剡溪入。
境與武陵相追陪。武陵避秦非避世。桑麻也染桃花麗。
應有祖龍未火書。尋仙可遂求書計。君本讀書羲皇年。
何因欲觀塵外天。毋乃瓊思與瑤想。搜羅秘笈從神仙。
儻得黃農典墳冊。煩君貽我三數篇。

題秀水沈君古梅圖

殘臘能送春能迎。嚴霜剝雪梅與爭。古心古貌本無侶。
况復百年老幹撐雲縐。玉鱗龍矯矯。風敲鐵骨水琤琤。
先人手植後人護。寸心上對孤月明。於今梅樹竟何處。
展圖菲菲起香霧。筆墨長流祖澤芬。旁人何事悲枯樹。
憶我青溪作宰時。錢君曉村名聚朝冷宦得相知。曾贈梅花
寫長幅。未遭兵火今在斯。此卷亦是錢君墨。撫玩喜極
轉太息。故友飄零宿草青。烽煙廿載昏南北。金石銷磨
片紙存。收拾儒門懷舊德。人言南湖古梅多。曾伴太守

上元初集

日○婆○娑○兵○後○官○齋○無○一○樹○我○來○補○種○澆○清○波○新○梅○能○續○
古○梅○艷○古○人○春○讓○今○人○占○樹○木○成○陰○待○十○年○與○君○共○此○
栽○培○念○

己巳年

元宵日出遊天竺靈隱

不○知○今○日○是○元○夕○閑○情○卻○問○西○湖○碧○長○橋○雪○霽○泉○水○清○
花○港○魚○啖○野○梅○白○新○歲○杭○人○拜○佛○忙○我○行○前○後○隨○香○客○
小○憇○法○鏡○趨○法○喜○一○路○松○篁○嵌○峭○石○山○門○已○到○不○遽○入○
旁○行○曲○徑○尋○幽○迹○老○僧○邀○我○入○寺○茶○東○堂○一○樹○玉○蘭○花○

花前方竹茁青筍枝枝搖曳東風斜憶我十年前到此
殿後高閣松櫟峙翠濤聲卷四山寒猛省諸天清淨理
茲來閣燬樹亦稀兵火無情石痕紫白衣仙人守杭城
卒化伍公舊祠裏成住壞空如輓轡金輪鐵輪相終始
慈悲睟容有生滅甘露湧入羅刹水太息劫風墮蓮花
莊嚴寶相亦如此那知名山千萬年不與蟲沙隨變遷
龍飛鳳舞開淨域寶座依舊青雲巔世間佛慧倚山脈
山川定矣佛亦旋三竺佛力信廣大沉檀香漲滄江天
靈隱香火不及此飛來峯下饒冷泉玲瓏古碧疊屏嶂

北山境比南山妍。世尊五百縱黃土。凌雲古木終昂然。
白鶴穩眠蒼鼠挂。時時寒翠飄吟肩。路轉峯迴一亭綠。
我來獨坐看修竹。更穿石洞肆幽探。天光一綫窈相燭。
亂後重來已隔生。巉巖古佛卻舊熟。清極寒多難久留。
出望北關尋歸舟。六橋行盡得平曠。臨平山又隔江浮。

長歌行贈李樹唐

咸豐初服余青年。攜劍試礮西湖泉。晤君行宮左壁寺。
禪房花證會面緣。今日鬚髮兩人白。鴛湖雪夜話曩昔。
紅爐暖酒不知寒。醉後高談燭花碧。當年宦浙楚人多。

兩○度○干○戈○剩○幾○何○我○如○月○桂○斫○不○死○君○如○扶○桑○經○海○波○
 海○波○搖○蕩○蜃○樓○起○癸○丑○之○春○至○甲○子○金○陵○初○陷○講○邊○防○
 宣○防○徽○防○衢○防○起○籌○餉○籌○兵○近○十○年○寇○來○倉○卒○無○人○抵○
 貔○貅○百○萬○化○蟲○沙○朱○提○千○萬○隨○流○水○錦○繡○湖○山○珠○玉○人○
 黯○然○碧○血○青○煙○裏○賴○有○元○戎○楚○上○軍○百○戰○百○捷○仁○義○聞○
 本○以○清○卿○棲○柏○谷○倏○膺○帝○命○掃○妖○氛○方○辭○木○質○關○防○
 去○杭州既陷閩督奏請恪靖護浙撫刻木質關防遣員
賚至營恪靖叱而退事傳至京師人為之諺云左京
卿不受旋○拜○金○鑿○節○鉞○文○事○到○艱○難○人○斂○手○孤○鷹○盤○折○
木關防出○鴉○羣○登○高○遠○望○東○西○浙○越○地○吳○天○慘○淡○雲○我○輩○不○知○

危險局相從。同至激水曲。三衢先保上游城。十郡漸支
糜爛木。冬取嚴州春婺州。紹興戡定杭州蹙。富春大戰
卷秋濤。萬馬齊飲西湖淥。靈鷲峯頭展翠旗。嘉湖倚鹿
台淮師。紅旗報入。龍顏喜。金券酌庸鳳簡馳。已散舊
僚紛。復集欲歸都護漸。旁窺昔日金甌成。破甑今時殘
角復全棋。父老道旁載篋食。咨嗟太息楚廣奇。究竟風
雨河山苦。其中實際少人知。憶我二人赴營日。千村萬
落皆荆棘。荒原戰骨長苔青。破屋殘尸經雨黑。野獐失
洞巢。濠邊羣鼠無家穴。營側蟬聯餉運西江來。常玉隔

斷飛芻力可憐。雨雪已無衣。可憐籌唱已鳴饑。起病扶
羸頻決戰。果然霹靂振皇威。堅持不畏封狼突。神速
終張殺虎圍。不有仔肩同鐵石。那能敗壞轉戎機。於今
東南已大定。平吳有頌誇功勝。不知前敗不觀今。吉祥
虜語何堪聽。舊友晨星落落稀。風雲變態憑誰證。中興
運際憶前艱。幸有同心歌可贈。

台灣行

前年將軍攝閩督。欲調我守台灣城。中丞馬公勉留住。
飽飲鴛鴦湖水清。今年台灣夷務棘。戕我都闢猶得色。

閩疆擇人作保障書到杭州飛羽翼得免風濤渡炎海
鈴轅實賴同年力我生孱弱亦何能敢作鐵柱蛟龍國
胡爲數千里外屢相招使我南望仙霞生太息我聞赤
嵌之城近琉球長年蒸熱無清秋古樟老松宿妖魅旗
石桂礁森戈矛冷水之金不可拾雷霆伺守人人愁暗
洋藏鬼蝕魂魄紅梢蝓蛇觸行舟颺颺未作海先吼三
十六與同漂流澎湖黛水且難涉何況鹿耳門戶相環
周先時日本踞後歸紅毛酋勝朝遺孽開東省欲效虬
髯扶餘謀傳三十年歷三世那知天生嶽嶽靖海侯雞

籠山前師左入牛心澳。畔兵右抽中軍八陣陣。三疊燒
盡煩船鳥船如浮漚。從此天興萬年縣。改爲鳳山彰化
郵。版圖入已二百載。海濼冥頑應漸改。昨訛渡海知交
言。熟番尚頗知官宰。烏肩貝項藤束腰。鵝管橫書屋圖
采。新婚出解吹口琴。殮人灌酒同糟蟹。雖無祖先有父
母。且愛清潔勤掃灑。一入南路鴉猴林地屬。生番名傀
儡。標鎗煮毒射野獸。鹿皮作裳血塗髮。竊伏叢林嗜殺
人。喜截頭顱如獲賄。南人黑齒醢人骨。離騷非誇今現
在。此輩半人實半禽。付之化外胡深罪。惟有西洋日往

來○水○沙○樵○禁○漸○私○開○既○因○樟○腦○挺○戈○起○又○為○馬○頭○譯○文○
催○深○恐○覬○覦○生○挾○制○能○無○遺○釁○肇○禍○胎○儒○生○一○命○貴○行○
志○那○為○重○洋○生○顧○忌○治○民○容○易○治○夷○難○交○涉○動○牽○中○外○
事○長○安○已○築○禮○拜○堂○通○商○隱○寓○懷○柔○意○外○間○細○事○如○牛○
毛○電○線○早○達○天○津○地○煌○煌○疆○臣○掣○肘○多○區○區○毘○守○將○奈○
何○

秦子散之少年繪觀海圖今老矣以前圖不肖欲
毀棄之詩以止之

秦子出此觀海圖繪自咸豐己未前當時白面今蒼老

流光變幻扶桑天。掀髯一笑問海若。丈夫意氣豪中年。
指點丹青思改繪。似愛秋健慙春妍。豈知參天山徑寸。
海波源出江漢巔。下經咸恒受大壯。奚若上經乾坤受。
蒙泉試讀犧經悟。消息後天自古不如先。何況蒼顏行。
矣。將白髮。人生浮雲同變遷。終讓蓬萊舊月圓。

前杭州太守薛慰農由西湖崇文山長移席金陵

尊經書院送行

君○本○海○上○之○霖○雨○變○爲○西○湖○之○春○風○春○風○來○往○無○拘○束○
桃○花○吹○向○江○南○紅○元○武○湖○波○正○銷○雪○秦○淮○楊○柳○清○明○節○

絳帳談經夜漏深。琴瑟聲希碧簾咽。三月長干似舞雩。
歸詠草長羣鶯呼點檢。六朝金粉艷陶鑄。名。山。道。德。腴。
攜冷泉之判筆。斟餘杭之酒壺。閑向雨花臺上眺。富貴
鍾阜浮雲驅。胸襟高曠取狂簡。笑煞尋章摘句儒。令我
心隨長江月。照君晴牕琳瑯書。不識杏花春雨裏。還夢
六橋煙柳無。

二月

二月醉東風。濃春在淡中。一鶯啼草際。雙燕入樓東。楊
柳舒初綠。桃花試小紅。韶光留不盡。斟酌悟元功。

塘棲曉發

扁舟昨夜塘棲宿。一篷碎雨敲珠玉。海雲搖蕩赤亭山。
夜夢江花紅撲。較醒來舟抵崇德城。飄飄輕帆風日晴。
桑吐黃芽未成葉。桑田土潤人來耕。蒼松秀帶孤寺遠。
小溪曲繞漁舟橫。人在春中渾不覺。三三兩兩黃鸝鳴。
且搖雙槳隨春遠。柳外桃花一樹明。

燕至

秋風送燕去。庭苑遂孤清。春風卷珠箔。雕梁來歡聲。灼
灼桃花路。飄飄楊柳程。輕身擅歌舞。巧動主人情。主人

有書綠軸裝。主人有琴鳳錦囊。飛來飛去春書長。銜泥
休汚琴書香。

詠燕

不擇貧家富貴家。來時宇宙總繁華。香銜海國三春雨。
舞動江樓萬樹花。解避風霜知世變。長攜伉儷到天涯。
新雛紫領能營壘。長夏溪邊芹又芽。

送蕭山令邊雪坡罷官歸任邱

此詩成未寄而雪坡病劇聞之臨終

遺命其子索書屏紙懸之弱側

我遊浙水今廿年。君進士出稍後焉。同遭兵亂同復職。

湘湖在蕭南湖通雲煙前年君鞭象隄竊痛挫泰西驕

悍氣彼族飲恨航海馳北控駐京之公使駐京洋人頭目謂之公使

猶欽差大臣也佞盧文達各國衙賢王卻贊強項吏豫章曾逐

耶蘇人真撫田興亦誅傳教民江淮兩浙東逼海銅船

來駛紛無倫愚被利餌黠甘役華情轉與夷情親藐視

官府肆箝制短蠹巧恃長鯨神揚州焚壇激民怒七年秋揚

民焚天壇索償瀆我通商臣君施一鞭究何補義衿別有

書生武因此賢聲播吳越白叟太息黃童舞今年罷官

倦欲歸自言今是無昨非笑汲西湖洗鶴髮搔首仰視

雪門詩草

上元初集

浮雲飛贈我虎口餘生記駿烈珍重前人蔽有子賢達
 孫挺秀故鄉蘆荻秋笋肥十二連橋躍金鯽沙堤重問
 釣魚磯燕南酒狼賽越酒醉後長嘯驚落暉知君暮年
 饒活計讀書閑考海防志懶視於今牧令書蘇州近刊此書為整
 飭吏治一官得失區區事起見也

題郭藕汀秀水同舟圖

郭君青州海濱客乘槎來向錢江泊茗水當湖起政聲
 移琴昨歲秀州鳴州擅輿區水五色盈盈秋為使君清
 訟庭無事盪蘭槳煙雨月波樓邊情江山獨遊亦良美

卻拉同僚六七子。把酒攜柑作主人。脫落青衫坐船尾。

白榜烏篷何處搖。盟心笑指南湖水。臧君可圍諸城魁

梧君同鄉手招湖。上清風涼晴霄光州富。南軒荆州

鄉潘東湖順德陳。仁人宰石門。沈薦亭石埭。次列蒼葭

白露俱中央。悵我未與思。褰裳喜我題詩同。一方鷗鷺

驚起翡翠舞。菱花藕花雙。粲香為政風流今。在此交情

直與滄波長。蘭亭西園有圖畫。名流雅集饒佳話。宦海

傾排自古然。君獨和衷世休訝。方今國紀同治年。

璇宮寶印同道鐫。若游大川留召爽。繡衣鴻渚姬公賢。

雪門詩草 卷十 三

上下一心太和召長江萬里無烽煙君之此圖卽此意
牛刀焉用笑管絃我思神州瀛海託有似一舟藏大壑
物與民胞休戚關憂固同憂樂同樂微斯人兮誰與歸
孤○棕○搖○曳○滄○溟○廓○

嘉禾詠爲慈谿宰賀仲肅作

皇清同治戊辰歲慈湖嘉禾吐三穗甘露布護黃雲屯
野人獻作使君瑞使君吾湘公子賢經術飾治東海邊
海上桃花四番碧和風甘雨撲琴絃懷州櫓穀漁陽麥
善政今堪與古傳而君得禾不自有民曰使君君曰否

歸之天子頌。中興鏤璧圖。傳答高厚且。言成周嘉禾。書
正是冲人嗣。政餘元祐定。襄獻禾日哲。宗亦在襁褓。初
當今。聖躬年鼎盛。璇宮日月照。黃輿東南大。定買
牛犢更減額。漕吳民舒。天使玉帛祭南鎮。會稽古郡祥
氛。噓萬邦。告綏豐年屢。茲禾之瑞。瑞豈虛。小臣遭逢明
盛會。拜手稽首。湛恩沛官卑。難徑達天庭。文章報國將
圖繪。寄我純冊。索我詩嘉禾。太守五年時。黃龍紉瑞考
吳史。丹雀銜莖結古思。喜報浙東吐奇瑞。乃知隆化超
軒羲。上爲國慶下相慶。魯恭坐庭今在斯。導庖試擬相

如筆封禪鴻文慙漢室。倘課農桑報最書。天下治平居
第一。

贈瞿雅夫協戎

雅夫先從向忠武旋隨其舅氏鄧忠武於甯國
咸豐十年守金壇被圍率難民數千衝至鎮江
同治改元見重於左恪靖伯治溫台盜藪積功
入部以前年冬來署嘉協治槍船甚爲余助茲
以期滿將去作詩送之

會隨向帥觀旌旂。高密元侯舅氏威。更道金壇護民出。

單刀紅透百重圍

桓桓恪靖耳君名持箭天台雁宕行從此杭州無後顧
海波東望一邊清

論功晉爵覲 皇州猾吏吹毛故故留日下揮拳眞壯
膽肯從刀筆博通侯

前歲南湖小雪天君來就我弋槍船輕裘犯冷淞江道
遍索蘆洲夜不眠

整飭軍容靖綠林嚴關鐵牡夜沈沈手栽細柳飛花好
無那春風三月深

禾城小燕戀雕梁。不及吳山舞鳳皇。試上酒樓高處望。
孤鷹盤折海雲蒼。

翡翠詠

翡翠本狂鳥。歌舞林塘幽。底事擅矜寵。比暱青雲頭。雲
邊紫薇花。光耀炫南國。雨露不勝嬌。妖艷逞顏色。黃絲
巢么禽。竟比鳳皇翼。鷓鴣不自愛。銜魚供其食。從禽日
以荒。鴆毒日以張。上觸紫皇怒。金彈來其旁。斷竹復續
竹。消息難深藏。慘慘北風勁。波瀾生湖湘。湖湘網羅布。
翡翠竟飛去。名花狼藉紅。可惜紫薇樹。

米捐歎

病商之錢尚可取。病農之政不可舉。權宜濟餉仍守經。
抑末敦本謀國苦。由此東南洗戰塵。馬放山陽牛耕雨。
胡今湘中議米捐。科算乃從陌與阡。每租百石銀四十。
排門攤派白冊填。幹吏四出洞庭沸。胥役突破衡山煙。
謂可得銀六百萬。當事歡怵張華筵。大戶爲緩計。中戶
暗垂涕。小戶最雌懦。繫犴獄。繫轉羨赤貧。無立錫。饑
寒不致爲田累。山村水郭靄愁雲。日望尺書降天際。後

御史張竹汀
奏陳奉停

春暮遣興

東風容易渡天涯。纔見梅花又杏花。難展碧梧潛放葉。
最遲芍藥已抽芽。雲雷力鼓河山艷。水木恩承日月華。
記得迎春殊未久。勸農今又問桑麻。

僵樹詠

僵石塞溪口。詭譎生波瀾。僵樹塞道右。杈枒挂車鞍。豈
惟挂車鞍。熒熒妖火寒。空心藏木魅。厲氣蒸菌丹。當年
青雲姿。甘爲蛇虺穴。雨露不肯容。怒激雷霆折。今日憑
社廟。節目愈惡劣。悠悠行路人。當此請回轍。蒼松千尺。

足棟梁小山。叢桂亦飄香。朝廷鄉黨兩不取。何足與之論短長。

寄會稽章粹良太史

禿鶯恒苦飽。鸞鴛恒苦饑。高高蓬萊山。不得琅玕枝。文章賈時忌。經籍糟與泥。五年隔江霧。艱難寄新詩。詩中燦珠玉。光氣虹霓燭。世態重黃金。豐年無人鬻。杜關謝客。請自吟風雨。三更一燈綠。

題友人壽護圖

坤輿靜鎮對靈祐。護花自古多眉壽。憶我先慈逾古稀。

神明强健霜松茂，籌燈課讀不知勞。
午夜拈鍼猶可繡，喜談故舊說興衰。
細雨寒風永清漏，鐵牙金齒頌宜家。
君家亦壽比堂花，題詩正是端陽節。
淚灑薰風醉九霞。

彭雪琴宮保見過作此

四月二十八日

宮保既辭官後築屋清泉山，獨居養靜茲來游。
西湖渡江探禹穴，訪蘭亭畫梅花於柯山之石壁。

水戰聲名照宇寰，辭官來看浙中山。
郵亭失逐乘舟疾，海國無波寶劍閑。
煙雨西湖孤鶴外，風雲南岳臥龍間。

梅花百幅詩千首。底事傷心印押斑。宮保有天下第一傷心人小印

八月十四同秦散之出郡齋步月

行樂儻及時。日日皆佳節。况茲秋氣清。河山涵皎潔。今夕月幾望。初更上城闕。天風散白雲。桂花落黃雪。欣然出庭除。豫玩中秋月。嫦娥亦何心。金波泛吳越。而我守東海。密邇蛟龍窟。扶桑玉露多。光輝倍澄澈。那能負良霄。坐令銀蟾沒。出門步高曠。縱覽詩心悅。溪明船燈青。樓高玉簫咽。夜久憺忘歸。良朋賴提挈。明宵會團圓。餘歡勸休竭。

中秋日雨

不恨中秋雨。昨宵月飽看。光陰宜愛惜。清福得艱難。天
入江樓暝。雲連野桂寒。高燒銀燭飲。那去倚闌干。

南湖入景詠

有序

河洲荇菜江漢喬木風詩所載地以景彰矣嘉
興南湖吐納茗雪襟城帶郭古奧區也而禾志
只繪煙雨一樓何攬勝之少乎詢之耆舊云前
代曾有入景之目而平章未確志闕不載未免
煙霞減色矣余守嘉今五年憑眺川原俯仰風

月日之所寓有會於心爲湖山標異得南湖八
景且繫以詩增嘉話也有客進曰秦駐秋湖獨
山曉日非出拳之鉅觀乎卽玉溪輦路橋挂雙
虹胥山訪古劍試一石墨客騷人所宜流連子
均不齒及而獨注意於鴛鴦湖得無拘墟余曰
不然八景莫著於瀟湘而漁村遠浦山市江天
無匪曲繪洞庭之狀卽西湖之孤山段橋南屏
花港相去亦不過咫尺可知雨奇晴好會心原
不在遠矣夫文章之事散而汗漫不如聚而結

采景物者大塊之文章也何獨不然客唯而退
因并記之以為序

南湖煙雨

湖○煙○湖○雨○盪○湖○波○湖○上○清○風○送○權○歌○歌○罷○樓○臺○凝○暮○碧○
菱○荷○深○處○水○禽○多○

東塔朝暎

地○隣○東○海○曉○波○黃○縹○緲○朝○雲○捧○太○陽○吳○越○河○山○都○入○照○
卻○饒○孤○塔○早○霞○光○

茶禪夕照

西○麗○橋○波○洗○暮○鐘○江○天○倒○浸○落○霞○紅○茶○禪○寺○外○灣○灣○水○
霜○葉○蘆○花○一○釣○篷○

杉○開○風○帆

蘇○州○估○客○布○帆○輕○買○醉○楓○橋○趁○曉○晴○一○路○東○風○吹○酒○醒○
夕○陽○紅○泊○秀○州○城○

伍塘春桑

處○處○清○溪○處○處○桑○綠○雲○低○護○古○時○塘○鳴○鳩○喚○醒○黃○梅○雨○
知○否○江○村○四○月○忙○

禾墩秋稼

繡壤縱橫晚稻田青林紅樹起炊煙西風無恙秋收好
又話黃龍紀瑞年

韭溪明月

萬古清光勝蹟留月波樓在韭溪頭白雲散盡長天碧
搖曳江城鐵笛秋

瓶山積雪

試上瓶山莫畏寒樓臺白玉倚闌干雪晴海國陽春早
攪入梅花一色看

構亦方壺於煙雨樓側題壁

既成南湖入景詩因構小亭於煙雨樓南刻詩
嵌壁復構小軒於樓之西北顏曰亦方壺敬遵
御製詩不蓬萊島卽方壺句意也

蓬萊在何許縹緲不可求何如鴛湖去咫尺見瀛洲古
樹浸碧水青挂珊瑚鉤綵雲結不散化石依高樓樓中
聞仙樂列真來遨遊靈鰲躡磯下深潭驚潛虬呼吸薄
蒼昊滿湖烟雨稠雨散碧落淨清風吹悠悠我來搖綵
筆滌盪萬古愁砉然發長嘯五湖雲意秋

頌王母青詞

青鳥爾何族託身蓬萊嶺化雄而爲雌使令王母前啄
我如氐棗食我太液蓮敬聽玉皇約掃花全天年奈何
恃寵犯仙戒竟負天孫聘錢債飄然自駕五雲車不住
瓊宮來下界爰居託蹟魯東門欲賺臧辰鐘鼓拜那期
泰山巖巖高入雲雲中使者健不羣不問仙禽問妖鳥
殺之原野兩血紛上報王母王母大笑命焚其巢煙銷
圓嶠日月雙懸乾坤照耀誠哉瑤池之水清且明鷓鴣
乃能效職於秋卿試問前朝錦衣鳥依倚玉案何縱橫
幾曾服此上上刑撰青詞兮頌聖母於千萬年寰海平

舟夜

滄江月落衆星明。萬里銀河到地清。遠浦微風魚斲火。
小橋涼露砲船更。關山廢壘連蟲語。湖海詩情入櫓聲。
西域未平征餉急。吳中幸報有秋成。

暮秋泛舟出郭

黃○花○官○閣○足○消○愁○。卻○泛○南○湖○舫○。艫○舟○漠○漠○白○雲○明○。遠○渚○
疏○疏○紅○樹○出○高○樓○。孤○洲○有○寺○殘○僧○守○。廢○塔○無○鈴○野○鴿○投○。
萬○窠○靜○觀○均○得○所○。新○晴○况○是○晚○禾○秋○。

訪煙雨樓址

古石嶽寄絡翠藤。頽垣碎瓦久無稜。懶僧不掃門前艸。
故老能談樓上燈。晴入川原孤樹暖。秋回城郭暮霞蒸。
家僮助我歸舟興。半渡湖中買綠菱。

無因

紫燕舊相識。依依尋故人。不妨舉珠幕。借以雕梁春。奈
何野鴛鴦。突入稱嘉賓。飄泊何處來。素昧平生親。引吭
訴胸臆。喃喃太無因。拂袖驅之去。翩然入西隣。浮雲擾
碧落。狂風吹白蘋。江湖多蕩子。拔劍不須嗔。

題桐鄉令富南軒得鹿圖

我○患○唐○之○魏○鄭○公○投○筆○逐○鹿○何○慷○慨○驅○馬○仗○策○謁○天○子○
身○畫○凌○煙○照○當○代○究○竟○逐○鹿○何○如○得○鹿○豪○斑○龍○脯○佐○松○
花○醪○虎○頭○燕○頰○飛○食○肉○封○侯○萬○里○真○吾○曹○君○騎○白○馬○霜○
林○下○健○僕○追○隨○紛○五○馬○縱○轡○揚○鞭○應○疾○馳○韜○弓○箛○矢○胡○
安○雅○乃○知○不○欲○作○禽○荒○直○詠○騶○虞○彼○茁○者○且○言○自○離○荆○
州○城○磨○盾○江○淮○草○木○聲○中○原○轉○戰○數○千○里○黃○沙○蹴○踏○暮○
雲○橫○彎○弓○手○射○封○狼○背○掬○飲○黃○鷹○鼻○火○生○少○年○意○氣○薄○
霄○漢○兩○耳○不○知○笳○鼓○鳴○於○今○栽○花○臥○東○海○飲○馬○桐○溪○泉○
水○清○難○忘○馳○驅○半○生○苦○聊○寫○當○年○校○獵○行○見○獵○技○癢○我○

心喜據鞍欲向平原裏方今天子重勲臣年終內賞
鹿肉美長白山頭獵火明何時扈講秋獮禮犬烹養賢
無彼此與君共礪公忠矢

遣興

霜勁繁華洗風高老木強養生驅嗜欲憂道著文章今
古衣裳會乾坤酒食場何人抉根本搖筆問蒼蒼
風雲雖變態日月自常經海抱無邊白天迴萬古青干
戈除舊篲詩禮發蒙矲俯仰觀羣類相期飲德馨

對菊

連年種菊繞郡齋。爲愛秋來慰蕭瑟。今年雨多傷其根。
孤芳落落十存一。世間物希轉見珍。捲簾坐對青霜晨。
翩翩黃蝶冷相抱。幽香苦戀如前因。友人更贈揚州種。
數枝新艷倍矜寵。千里邗江載月來。自昔高人聲價重。

尋本覺寺三過堂故址今名萬壽寺

本覺禪林禾郡西。東坡三過舊留題。詩碑臥草香獐窟。
古井存欄怪鳥啼。水繞山門橫石匣。雨淋佛座壞金猊。
行人指點黃榆古。霜葉飄飄萬壽溪。

過茶禪寺寺舊名三塔。茲名乃乾隆御賜。取東坡三過烹茶之意。有御題詩云。予思

仍舊貫僧
顓賜新題

輕舟迴櫂問茶禪。小寺殘僧結數椽。芳艸昔年邀御
輦。東風三月泊香船。南來湖雨侵城濕。北去江流抱塔
圓。敬洗蒼苔瞻。唐藻新題舊貫費流連。

寄鄞縣陳魚門同年

素筴傳來索寫詩。耽吟慙被故交知。揮毫獨坐梅花下。
正是南湖小雪時。
悵望青山隔越中。甬江乍浦一波通。年來滄海鯨魚靜。
相對扶桑曉日紅。

挽包山陸袖海學博

袖海名恩湖教授余兒子方藻者數年學問廣博性嗜酒

有游禹陵詩云禁酷不聞書夏史禹非惡酒惡其旨包茅列貢自荆州小正復書用觴始若使當年絕釀酷縮酒之典應于裁胡為山巽與龍勺制器猶復窮奇瓌語雖附會見亦奇詭卒以酒賤其生歿於蘇州書局

平生最愛杯中物
今日遙遙奠菊花
料得黃泉無約束
不妨詩酒作生涯

題林屋徐友三靜觀圖

乾○圓○靜○也○專○日○月○卻○西○流○坤○厚○靜○也○翕○江○河○仍○東○淨○陰
陽○相○摩○盪○運○動○成○春○秋○惟○以○動○觀○動○如○行○舟○視○舟○兩○舟

俱○不○停○來○去○迷○所○由○何○如○居○岸○傍○目○送○爲○夷○猶○風○帆○自○
戢○戢○吾○心○長○悠○悠○靜○觀○蓋○此○意○丹○青○知○之○不○太○湖○有○林○
屋○縹○緲○如○瀛○洲○湖○水○日○以○漾○湖○山○日○以○幽○山○中○自○太○古○
日○落○烟○嵐○收○我○欲○從○君○往○桃○花○爲○少○留○